

5. gr.

Stjórn sjóðsins ber að halda sérstaka gerðabók fyrir sjóðinn og færa inn í hana skipulagsskrá þessa, styrkveitingar og annað, sem varðar starfsemi sjóðsins.

6. gr.

Stjórn sjóðsins skal skipuð þremur mönnum. Skal að jafnaði einn tilnefndur úr hópi stofnenda eða niðja þeirra, eða niðja Jónasar Oddssonar, einn skal tilnefndur af læknum á Akureyri og einn af bæjarstjórn Akureyrar. Stjórnin skiptir með sér verkum. Endurskoðun reikninga sjóðsins skal árlega framkvæmd af hæfum og óvilhóllum endurskoðendum.

7. gr.

Heimilt er í samráði við dómsmálaráðuneytið að breyta einstökum ákvæðum skipulagsskrár þessarar, enda beri brýna nauðsyn til.

8. gr.

Leita skal staðfestingar forseta Íslands á skipulagsskrá þessari.

Gert í októbermánuði 1971.

Anna Oddsdóttir. Ásgeir Oddsson. Jón H. Oddsson.
Magnús Oddsson. Ragnheiður Oddsdóttir. Sigurður Oddsson.
Margrét Oddsdóttir. Guðrún Oddsdóttir.

F. h. Elínar Oddsdóttur, skv. sérstöku umboði
Anna Oddsdóttir.

REGLUGERÐ

**um breytingu á reglugerð nr. 41 24. marz 1956, um happdrætti
Dvalarheimilis aldraðra sjómanna.**

1. gr.

Í stað 2. mgr. 1. gr. komi tvær nýjar málsgreinar, svo hljóðandi:
Ágóði happdrættisins skal renna í byggingarsjóð aldraðs fólks. 60% ágóðans skal þó varið til byggingar Dvalarheimilis aldraðra sjómanna. Heimilt skal þó stjórn Dvalarheimilis aldraðra sjómanna að veita styrk eða lán til annarra dvalarheimila aldraðs fólks.

Hinn 31. maí ár hvert skal happdrættið greiða í byggingarsjóð aldraðs fólks sem svarar helmingi nettóhagnaðar happdrættisins árið á undan, en endanlegt uppgjör fari fram eigi síðar en 30. nóvember ár hvert.

2. gr.

6. gr. orðist svo:

Vinningar eru samanlagt 4800 að tölu í öllum 12 flokkum og eru samanlagt að verðmæti kr. 70 200 000.00 miðað við smásöluverð. Stjórn D.A.S. ákveður vinningatöluna og verðmæti þeirra í hverjum flokki. Verðmæti vinninga að meðaltali í hverjum flokki skal vera svipað.

3. gr.

7. gr. orðist svo:

Verð ársmiða er kr. 1 800.00, en endurnýjunarmiða í hverjum flokki er kr. 150.00. Ef menn vilja kaupa hlutamiða eftir að drættir eru byrjaðir á árinu, skal greiða fyrirfram, auk verðs hans í flokki þeim, sem næst á að draga í, samanlagt verð hlutarins í öllum þeim flokkum, sem dregið hefur verið í á árinu.

4. gr.

Reglugerð þessi, sem sett er samkvæmt heimild í lögum nr. 71 24. apríl 1954 um happdrætti Dvalarheimilis aldraðra sjómanna, sbr. lög nr. 17 21. febrúar 1956 og lög nr. 52 20. apríl 1963 um breytingu á þeim lögum, öðlast gildi 10. apríl 1972.

Jafnframt falla úr gildi auglýsingar nr. 60 15. apríl 1964 og nr. 90 28. marz 1969.

Dóms- og kirkjumálaráðuneytið, 10. febrúar 1972.

Ólafur Jóhannesson.

Ólafur W. Stefánsson.

Nr. 37.

17. febrúar 1972.

G J A L D S K R Á**Rafmagnsveitna ríkisins.****Heildsöluverð.**

Gjaldskrá þessi er miðuð við afhendingu orkunnar með 6—11 kV spennu og mælingu hennar á þeirri spennuhlið.

Gjaldskráin gildir um sölu til héraðsrafmagnsveitna og er almennt miðuð við afhendingu orkunnar á einum stað við mörk orkuveitusvæðis þeirra.

Einnig er heimilt að selja öðrum raforkukaupendum samkvæmt þessari gjaldskrá, enda sé þá greitt fyrir minnst 800 kW afl og fyrir 6—11kV aðfærsluveitu frá aðalkerfi Rafmagnsveitna ríkisins, miðað við fjarlægð, aflnotkun og sammingsbundna tímalengd notkunar.

Rafmagnsgjald.

Aflgjald	2.400 krónur á árskW
+ Orkugjald:	
Fyrir notkun milli 2 500 og 4 000 klst. nýtingartíma á árskW	76 aurar á kWst.
Fyrir notkun milli 2 500 og 4 000 klst. nýtingartíma á árskW	44 aurar á kWst.
Fyrir notkun umfram 4 000 klst. nýtingartíma á árskW	22 aurar á kWst.

Aflmæling.

Með árskW í gjaldskrá þessari er átt við meðaltal fjögurra hæstu mánaðarálags-
toppa ársins, mældra sem 30 mínútna meðalálags á afhendingarstað.

Ársnýting.

Ársnýtingartími á klst. er raforkunotkun eins almanaksárs í kWst. deild með þeim álagstoppí á kW, sem greiða skal fyrir.